



## ХАР БИР СОҶА ВА ЙЎНАЛИШ, ХАР БИР ФУҚАРО ТАҚДИРИ ДОИМИЙ ЭЪТИБОРДА

Аввал хабар қилинганидек, Ўзбекистон Республикаси Президенти Шавкат Мирзиёев жойларда амалга оширилаётган бунёдкорлик ишлари, ижтимоий-иқтисодий соҳалардаги ислохотларнинг бориши билан танишиш мақсадида 16-17 февраль кунлари Бухоро вилоятида бўлди.



Ташрифнинг биринчи кунини Президентимиз Шавкат Мирзиёев кенг кўламли иқтисодий лойиҳалар билан танишди, вилоятда барпо этилаётган замонавий корхоналар, кенг ва равон йўللار, таълим ва тиббиёт муассасаларида бўлди, ёшлар, турли соҳа вакиллари билан суҳбатлашди.

Бухоро вилояти аҳолисининг 48 фоизи 30 ёшгача бўлган ёшлардир. Уларни соғлом ва маънавий етуқ инсонлар этиб тарбиялаш, истеъдод ва салоҳиятини юзага чиқариш борасида салмоқли ишлар амалга оширилмоқда.

Давлатимиз раҳбари вилоятга ташрифининг иккинчи кунини Бухоро шаҳар Ёшлар маркази фаолияти билан танишишдан бошлади. Марказ тўғракларида олиб борилаётган машғулотлар жараёнини кузатишди.

Ўтган йили собиқ Маданият саройининг эски биноси капитал таъмирланиб, Ёшлар марказига айланган. Уч қаватли замонавий бинода Ўзбекистон ёшлар иттифоқи Бухоро вилояти кенгаши фаолият кўрсатмоқда. 808 ўринли томоша зали ва 280 томошабинга мўлжалланган кинозал ёшларнинг ижтимоий фаоллигини кўллаб-қувватлашга қаратилган лойиҳаларни амалга ошириш, жумладан, оммавий-маданий тадбирлар ўтказиш учун жуда қулай.

Масканда инглиз ва рус тиллари, шахмат-шашка, стол тенниси, ёш актёрлар, қизларни оилавий ҳаётга тайёрлаш, ёшлар туризми, мактабгача таълим, инклюзив таълим, тасвирий санъат, тикувчилик каби 20 дан зиёд тўғрақ, руҳшунос-маслаҳат маркази фаолият кўрсатади. 4000 китоб фондига эга кутубхона ҳам ёшлар ихтиёрида.

Ёшлар маркази яқинида Бухоро давлат университети, Санъат коллежи каби қатор билим масканлари жойлашгани ушбу ўқув юртига талаба ва ўқувчилари учун марказ тўғраклари ва кутубхонасининг фойдаланишида катта қўлайлик яратяпти.

Давлатимиз раҳбарига Ёшлар марказида жорий йилда ташкил этилган янги тўғрақлар, истиқболли лойиҳалар ҳақида маълумот берилди.

— Энг яхши фазилатлар китобда мўжассам. Бу ёшларимизни билимли, юксак маънавийлик қилиб тарбиялашни истасак, уларни китобга меҳр руҳида вояга етказишимиз, турли касбларга ўргатишимиз керак, — деди Президентимиз.

Шундан сўнг Шавкат Мирзиёев Бухоро — Когон йўли бўйида қурилаётган кўп қаватли уйлари бориб кўрди. Бу уйлари қурилиши 2017 йил май ойида бошланган ва уларни жорий йил мартда якунига етказиш мўлжалланган. Умумий мажмуа сифатида қурилаётган уйлари сони 39 та бўлиб, 1024 хонадондан иборат. 5 қаватли ва асосан 2, 3 хонали уйлари 15 йил муддатга кредит асосида берилди.

Шу ерда давлатимиз раҳбарига вилоятда олиб бориладиган янги қурилишлар ҳақида маълумот берилди. Когон шаҳрида қурилаётган 6 ва 7 қаватли уйлари қарийб 2 гектар майдонни эгаллайди.

Бухоро шаҳрининг Исрол Каримов кўчаси бўйидаги иншоотларни қайта қуриш лойиҳасига кўра, савдо, кўнгличар марказлар, ижтимоий соҳа объекtlари барпо этилади. Шавкат Мирзиёев лойиҳаларни тақомиллаштириш бўйича ўз тақлифларини айтди.

Бухоро шаҳрининг бош режасига кўра, И.Каримов, О.Эшонов, Ҳамза, М.Иқбол, С.Айний кўчалари кесилма-ларидидаги турар жой мавзелари қайта қурилади. Тартибсиз ва маънавий эскирган уйлари янгиланади.

Бу ердаги беш массивда 785 хонадонли 57 турар жой биноси, 181 нотурар жой бино ва 28 та ҳовли мавжуд. Янги лойиҳага кўра, 3399 хонадонли 57 турар жой биноси, 370 нотурар жой бино барпо этилади.

— Бу энг муҳим масала, — деди Президентимиз. — Одамларни рози қилиш учун аввало, уларнинг яшаш жой-ларига эътибор қаратишимиз, турмуш шартини яхшилашимиз лозим.

Лойиҳаларда кўрсатилганидек, Бухоро шаҳридаги Ибн Сино кўчаси қайта қурилади. Бундан ташқари, Алпомиш ва Фароғий кўчалари кесил-масида умумий мажмуа сифатида янги турар жой бинолари қад ростлади.

Бухоро вилоятида кўп қаватли уй-жой фондига яхшилаш дастурида эса, жорий йилда 546 та кўп қаватли уйни таъмирлаш ва атрофини ободонлашти-риш кўзда тутилган.

— Бухоро — сайёҳлар кўп келадиган шаҳар. Бу ерда тарихий обидалар кўп,

лекин замонавий бино ва иншоотлар кам, — деди Шавкат Мирзиёев. — Бу кўчалар бўйида замонавий бинолар қуриш керак. Бухоро нафақат тарихий, балки замонавийлик нуктаи назаридан ҳам етакчи бўлиши зарур.

Давлатимиз раҳбарига Бухоро давлат тиббиёт институтининг 900 ўринли ўқув биноси ва 200 ўринли клиникаси, Республика шошилинч тиббий ёрдам илмий маркази Бухоро филиалининг қабул-диагностика бўлимини қуриш ва 120 ўринли даволаш корпусини рекон-струкция қилиш лойиҳалари тақдим қилинди.

Вилоятда йўловчи ташиш тизимини ривожлантириш режасига кўра, катта си-гимли автобуслар харид қилинади. Бухоро вилоятидан Россиянинг Москва, Уфа, Санкт-Петербург каби шаҳарларига янги йўналишлар йўлга қўйилади. Бун-дан ташқари, мавсумий йўналишлар ташкил қилиниб, вилоятларга қатновлар амалга оширилади.

— Транспорт тизимини тақомиллаш-тирадиган вақт келди, — деди Прези-дентимиз. — Шу пайтгача бу соҳага етарлича эътибор берилмади. Қанча-дан-қанча автобус саройлари хусусий-лаштириб юборилди. Чека жойларга транспорт воситалари бормайди. Одам-лар шаҳарга келиши қийналади. Бу-нинг учун жамоат транспорти тизими-ни тартибга олиш зарур.

Бухоро вилоятида ичимлик суви таъ-миноти тизимини ривожлантириш ре-жаси ҳам кўриб чиқилди. Унга кўра, 2019 йилдан вилоятнинг асосий қисми ичимлик суви билан таъминланади. Айни пайтда бу борадаги кўрсаткич 51 фоиз, ҳоло. Жаҳон банки иштирокчида амалга оширилаётган лойиҳада Қорақўл ва Олот туманлари аҳолисини ичимлик суви билан тўлиқ таъминлаш кўзда ту-тилган.

Давлатимиз раҳбари лойиҳаларни имкон қадар қисқа муддатларда амал-га ошириш зарурлигини таъкидлади. Лекин, ишининг сифати алоҳида эъти-бор қаратиш лозим.

Ўзбекистон Республикаси Президенти, Қуролли Кучлар Олий Бош Қўмон-донини Шавкат Мирзиёев Жануби-ғарбий махсус ҳарбий округга қарашли ҳар-бий қисмлардан бирида бўлди.

Қуролли Кучлар тизимида амалга оширилаётган кенг кўламли ислохотлар, янги Мудофаа доктринаси қабул қилин-гани ҳозирги таҳликали замонда мам-лакатимиз мудофаа ва қўшинларнинг жанговар тайёргарлик даражасини яна-да юксалтиришда муҳим омили бўлмоқ-да. Мазкур қисмда ҳам ҳарбий хизмат-чиларнинг жанговар тайёргарлигини ошириш учун барча шартин яратилган. Ўқув бинолари, аудиториялар, компь-ютер синфлари, электрон кутубхона, маъ-навият ва маърифат хоналари, спорт зали энг замонавий ускуна ва жиҳоз-лар билан таъминланган.

Президентимиз дастлаб Мудофаа вазирлиги қўшинларида амалга

оширилаётган ислохотлар, ҳарбий раз-ведка тизимини тақомиллаштириш, Бухоро вилояти ҳарбий-маъмурий сек-тори фаолияти, вилоятда ҳарбий ша-ҳарча барпо этиш борасидаги лойиҳа-лар тақдимоти билан танишди.

Ҳарбий соҳанинг жамиятимиздаги нуфузини ошириш, қисм ва муассаса-лар ошончаларини сифатли озик-овқат маҳсулотлари билан таъминлаш бўй-ича жорий этилган outsource тизимнинг аҳамияти, захирадаги офицер кадрлар билан ишлаш, таълим муассасаларида ёш авлодни ватанпарварлик руҳида, фаол ҳаётини позицияга эга инсонлар этиб тарбиялаш масалалари ҳақида сўз юритилди.

Давлатимиз раҳбари қисмда ҳарбий хизматчиларнинг яшashi, билим оли-ши, жисмонан чиқиб туриш учун яратил-ган шартинларни кўздан кечириб экан, уларнинг назарий билим ва қўниммаси ҳамда жанговар тайёргарлигини мутта-сил ошириб бориш асосий эътиборда бўлиши зарурлигини қайд этди.

Президентимиз ташрифий муносаба-ти билан ҳарбий қисм шахсий таркиби саф тортиди. Қуролли Кучлар Олий Бош Қўмондонини улар билан суҳбатда бугун-ги мураккаб даврда Ватан ҳимоячилари зиммасида осмонимиз мусофалари ва халқимиз тинчлигини таъминлаш-дек гоят масъулиятли ва шарафли ва-зифа турганини, ҳарбий хизматчилар ҳар қандай таҳдид ва хавф-хатарларга қарши ҳар лаҳза тайёр туриши лозим-лигини таъкидлади.

— Армия — халқимизнинг мустаҳкам қалқони, — деди Шавкат Мирзиёев. — Мамлакатимиз мудофаа тизимида амалга оширилаётган ислохотлардан қўланган мақсад, армияни халқимизга яқинлаш-тиришдан иборат. Ватан ҳимоячилари-нинг хизмат шартини яхшилаш, оила-си, фарзандларининг ижтимоий муҳо-фазасини қўлайлаштириш бўйича кўп ишлар қиляёмиш. Бунга жавобан ҳарбийлар ҳам ота-боболаримизга муносиб бўлиши, за-монавий билимларни пухта эгаллаб, ҳар кунини ўз устида ишлаши, тажрибасини бойитиши бориши зарур.

Ҳарбий хизматчиларнинг маънавий-руҳий тайёргарлигини ошириб бориш, уларни хорижда ўқитишни ташкил этиш, ҳарбий соҳага қандай дастурлар олиб келиш бўйича тақлифлар тайёрлаш юза-сидан мутасаддиларга тегишли топши-риқлар берилди.

Мамлакатимизда атроф-муҳитни ободонлаштириш ва тозалikka риоя қилиш, маъий чикиндиларни йиғиш, саралаш ва қайта ишлаш бўйича кенг кўламли ишлар амалга оширилмоқда.

Президентимизнинг 2017 йил 21 апрелдаги «2017-2021 йилларда маъий чикиндилар билан боғлиқ ишларни амалга ошириш тизимини тубдан тақомиллаштириш ва ривожлантириш чора-тадбирлари тўғрисида»ги қароридида 2017-2018 йилларда барча вилоятлар-да чикиндиларни қайта ишлаш корхоналари қуриш кўзда тутилган.

Бугунги кунда чикиндиларни қайта ишлаб, тайёр маҳсулот ишлаб чиқариш бўйича тадбиркорлик фаолияти билан шуғулланаётганлар хориждан замона-вий технологиялар келтириб, ўзига хос кластерлар ташкил этаётди.

Шавкат Мирзиёев 2017 йил 10-11 март кунлари Бухоро вилоятига ташри-фи чоғида Когон туманида қурилиши мўлжалланган чикиндиларни саралаш ва қайта ишлаш кластери лойиҳаси билан танишган эди. Орадан бир йил ҳам вақт ўтмасдан, маъмур корхона иш бош-лади.

Корхонага тумандаги бўш турган бино ва иншоотлар «ноль» қийматда берилди. Шартномага кўра, 1,6 милли-ард сўм маблағ сарфланиб, бинолар таъмирдан чиқарилди. 5,5 миллиард сўм маблағ эвазига корхонанинг асо-сий ишлаб чиқариш иншоотлари барпо этилди.

Хориждан бир кеча-кундузда 450 тонна чикиндини қабул қилиш қуввати-га эга линия келтириб, ўрнатилди. Бу ерда металл, тош, шиша, яроксиз ре-зина ва автотишма, пластмасса, ёғоч-тахта бўлақлари, шох-шабба, мақула-тура, қурилиш материаллари чикинди-си, қийимчи матолар сараланади ва қайта ишланади. Ушбу чикиндилардан брикет, синтетик тола, қоғоз картон, тўқимачилик матоси, пишган гишт, био-гумус ва бошқа тайёр маҳсулотлар иш-лаб чиқарилиб, экспорт қилинади.

Айни пайтда 400 дан зиёд киши меҳ-нат қилаётган корхонага Бухоро ва Когон шаҳарлари, Бухоро, Когон туман-ларидидаги маъий чикиндилар келти-рилмоқда. Кейинчалик корхона фао-лиятини кенгайтириш, вилоятнинг бар-ча худудларидан чикиндиларни йиғиб, чикинди полигонларини чикиндилардан тозалаш режалаштирилган. Бу кўплаб иш ўринлари яратиш имконини бе-ради.

Корхона атрофидан ишчилар учун уй-жой, савдо ва маъий хизмат кўрсат-тиш шохобчаси, ёпиқ сузиш ҳавзаси, шифохона, спорт майдончаси, автоту-раргоҳ, мактаб ҳамда мактабгача таъ-лим муассасаси қуриш мўлжалланмоқ-да.

Давлатимиз раҳбари корхонанинг ишлаб чиқариш жараёни билан таниш-ди. Чикинди йиғиш қамрови ва қайта ишлаш қувватини янада кенгайтириш, шундай корхоналарни бошқа жойларда ҳам ташкил этиш бўйича кўрсатмалар берди.

Шу билан Президентимиз Шавкат Мирзиёевнинг Бухоро вилоятига таш-рифий якунига етди. Ташриф давомида ютуқлар билан бирга, йўл қўйилган камчиликлар ҳам қайд этилиб, уларни бартараф этиш бўйича топшириқлар берилди. Бу ҳар бир соҳа, ҳар бир йўналиш, қолаверса, ҳар бир фуқаро тақдирини Президент назоратида экани-дан далалатдир.

## Ўзбекистон Республикаси Президентининг ФАРМОНИ АХБОРОТ ТЕХНОЛОГИЯЛАРИ ВА КОММУНИКАЦИЯЛАРИ СОҶАСИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Мамлакатда замонавий ахборот технологиялари ва коммуникацияларини ривожлантириш, электрон давлат хизматларини кўрсатишнинг яхлит тизимини яратиш, давлат органларининг аҳоли билан мулоқот қилишнинг янги механизмлари жорий этиш юзасидан изчил иш олиб борилмоқда.

Шу билан бирга, ахборот технологиялари ва коммуникацияларини бошқариш ва жорий этиш соҳасидаги бир қатор тизимли муаммо ва камчиликлар ушбу соҳанинг жадал ривожланишига, сифатли ахборот хизматларини кўрсатишга тўққинлик қилмоқда. Хусусан:

**Биринчидан**, телекоммуникация инфратузилмаси етарлича ривожланмаган, мамлакатнинг олис аҳоли пунктлари телекоммуникация тармоқлари билан таъминланмасдан қолмоқда, мобил алоқа ва Интернет тармоғининг сифати аҳоли эҳтиёжларини қондирмайпти;

**Иккинчидан**, давлат бошқаруви тизимига ахборот технологиялари ва коммуникацияларини жорий этишда ягона технологик ёндашувнинг самарали амалга оширилмаганлиги сабабли идоравий ахборот тизимлари ва ресурслари алоҳида-алоҳида жорий қилинмоқда, бунинг оқибатида уларни ягона ахборот мақомага интеграциялаш хараёни мураккаблашмоқда;

**Учинчидан**, электрон тижоратда интеграциялашган савдо ва маркетинг платформалари, интернет-дўконлар, тўлов тизимларини, шунингдек, логистика тизимларини жорий этишга етарлича эътибор қаратилма-майпти, бу иқтисодий ва тадбиркорлик ривожланиши, чет эл инвестициялари жалб қилиниши тўхтатиб турилишининг сабабларидан бири бўлмоқда;

**Тўртинчидан**, давлат ахборот тизимлари ва ресурсларида ахборот ҳавфсизлигини ва ахборотни муҳофаза қилишни таъминлаш ишларининг заиф ташкил этилганлиги ахборотдан руҳсатсиз фойдалана олиш, маълумотлар базаларининг бу-тунлиги ва махфийлигини бузиш имкониятини оширмоқда;

**Бешинчидан**, кўплаб давлат органлари ва ташкилотларининг раҳбарлари томонидан аҳолига кўрсатиладиган хизматларнинг сифати ва тезкорлигини ошириш, бюрократик тартиб-таомилларга барҳам бериш, қоғоз ҳужжат айланиши-ни камайтиришга қаратилган ахборотлаштириш ҳамда замо-навий ахборот технологиялари ва коммуникацияларини жорий қилиш лойиҳаларини амалга ошириш масалаларига етарлича эътибор берилмаётгани;

**Олтинчидан**, почта алоқа хизматлари ва логистика тизи-мини модернизация қилиш, почта алоқаси миллий оператори

фаолиятининг сифат жиҳатдан янги услубларини жорий этиш ва бозорда унинг фаолияти мавқеини оширишга доир таъсирчан чоралар кўрилмапти;

**Еттинчидан**, ахборот техно-логиялари ва коммуникацияла-ри соҳасида кадрларни тайёр-лаш, қайта тайёрлаш ва мала-касани оширишнинг амалдаги тизими IT-технологиялар ривож-ланишининг тезкор суръатлари-ни ҳисобга олмаяпти, шунинг-дек, таълим беришнинг илғор услубларини жорий этиш учун хорижий мамлакатларнинг етак-чи таълим муассасалари билан самарали мулоқотни ташкил қилиш имконини бермаяпти;

**Саққизинчидан**, электрон ҳукумат, электрон тижорат, электрон давлат хизматлари кўрсат-тиш тизими, уларнинг шаффоф-лиги ва очиклиги, шунингдек, телекоммуникация инфратузил-масининг ривожланишида анча ил-гариллаб кетган мамлакатларнинг тажрибасини чуқур ўрганиш ва жорий этиш бўйича тизимли иш олиб борилмаётгани.

Ахборот технологиялари ва коммуникациялари соҳасида бошқарув тизимини янада та-қомиллаштириш, электрон дав-лат хизматлари ва телекомму-никация хизматлари спектрини кенгайтириш, телекоммуника-ция инфратузилмасини ривож-лантириш мақсадида, шунинг-дек, Ўзбекистон Республикаси-да Маъмурий ислохотлар кон-цепциясига мувофиқ;

1. Ўзбекистон Республикаси Ахборот технологиялари ва коммуникацияларини ривож-лантириш вазирлиги (кейинги ўринларда Вазирлик деб юри-тилади) ҳамда Ўзбекистон Матбуот ва ахборот агентлигининг:

Республика ахборот-кутуб-хона маркази, Қорақалпоғистон Республикаси, вилоятлар ва Тошкент шаҳар ахборот-кутуб-хона марказларини Ўзбекистон Матбуот ва ахборот агентлиги-нинг Алишер Навоий номидаги Ўзбекистон Миллий кутубхона-си тасарруфига ўтказиш;

«Оммавий коммуникациялар соҳасидаги мониторинг маркази» давлат муассасасини Ўзбекистон Матбуот ва ахборот агентлиги тузилмасига бериш;

«Матбуот тарқатувчи» АКни белгиланган тартибда «Ўзбеки-стон почтаси» АЖга қўшиб мас-саласини «Матбуот тарқатувчи» АК ва «Ўзбекистон почтаси» АЖ акциядорларининг умумий йи-гилишларида қўйиб тўғрисида-ги тақлифларни маъқуллашсин.

Вазирлик икки ҳафта муд-датда ўтказилаётган ташкилот-ларнинг штат бирликлари ва бинолари, шунингдек, уларга тегишли бўлган товар-моддий бойликлар, шу жумладан пул маблағларининг Ўзбекистон Матбуот ва ахборот агентлиги-га берилишини таъминласин.

► Давоми 2-бетда.

## ЭНГ ЯХШИ ҚОРИЛАР АНИҚЛАНДИ

**Самарқанд шаҳридаги «Хўжа Исҳоқи Валий» жомеъ масжидида юртимизда илк бор ўтказилаётган Куръон мусобақасининг вилоят босқичи бўлиб ўтди.**

Унда танловнинг ҳудудий босқичларида ғолиб бўлган 25 нафар қори ва қориярлар ўз маҳоратини намойиш этди.

Ўқори савида ташкил этилган мусобақа якунига кўра, хифза йўналишида (18-25 ёшлилар ўртасида) Абдуҷаббор Ғайбуллаев, (26-40 ёшлилар ўртасида) Авазон Ҳошимхонов, тиловат йўналишида (18-25 ёшлилар ўртасида)

Бобохон Бобохонов, (26-40 ёшлилар ўртасида) Фирдавс Ҳамдамов биринчи ўринни эгаллади.

Хотин-қиз иштирокчилар орасида белгиланган ёш тоифаларида хифза йўналишида Нафиса Зоирова, тиловат йўналишида Захрохон Нуриддинова ҳамда Моҳиғул Имомова ғолибликни қўлга киритиб, мусобақанинг мамлакат босқичига йўланма олди.

Танлов ғолиблари ташкилотчи-ларнинг диплом ва эсдалик совғалари билан тақдирланди.

Ғ.ҲАСАНОВ, ЎЗА мухбири.

## Ўзбекистон Республикаси Президентининг ФАРМОНИ АХБОРОТ ТЕХНОЛОГИЯЛАРИ ВА КОММУНИКАЦИЯЛАРИ СОҶАСИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

2. Қуйидагилар вазирликнинг асосий вазифалари ва фаолиятининг устувор йўналишлари этиб белгилансин:

ахборот технологиялари ва коммуникацияларини ривожлантириш ва қўллаш соҳасида ягона давлат сиёсатини ишлаб чиқиш ва амалга ошириш ҳамда муносабатларни тартибга солиш, электрон ҳуқуқни жорий этиш, ахборот жамияти ва рақамли иқтисодиётни шакллантириш фаолиятини мувофиқлаштириш;

«охириги миля» тамойили бўйича Интернет тармоғидан кенг поласоли фойдаланишни кенгайтириш, мультисервисли алоқа тармоқлари технологиялари, мобиль алоқа бозори, бошқа замонавий телекоммуникация хизматлари, шунингдек, логистика ва почта алоқаси хизматлари орқали телекоммуникация инфратузилмасини ривожлантириш ва модернизация қилиш;

давлат органларининг ахборот тизимлари ва ресурсларини ишлаб чиқиш ҳамда жорий этиш, идораларга ўзаро электрон ҳамкорликни ташкил қилиш, ягона электрон реестрлар ва маълумотлар базаларини, «ягона дарча» тамойили бўйича электрон давлат хизматлари кўрсатиш тизимларини шакллантиришга ягона технология ёндашув амалга оширилишини таъминлаш;

давлат бошқаруви ва иқтисодиётнинг реал секторда инновацияларни жорий қилишга кўмаклашиш, рақамли иқтисодиёт ўсишини рағбатлантириш, шу жумладан ишлаб чиқишда комплекс автоматлаштирилган бошқарув тизимларини жорий этиш, электрон тижоратнинг ривожланиши учун қулай шарт-шароитларни яратиш;

шаҳар ва ҳудудий инфратузилmani, шу жумладан келгусида интеграциялашган, «акли» ва «хавфсиз» шаҳар ягона комплексига бирлаштирилган ҳолда уй-жой коммунал хизмат кўрсатиш, транспорт логистикасини, шошилчин хизматларини бошқаришнинг замонавий интеллектуал тизимларини жорий этиш ва ривожлантириш;

технопарклар ва коворкинг-марказлар фаолиятини ташкил қилиш, шу жумладан давлат-хусусий шериклик асосида замонавий рақобатбардош ва экспорт учун мўлжалланган дастурий маҳсулотлар ҳамда хизматларнинг маҳаллий ишлаб чиқарилишини ривожлантиришни рағбатлантириш, шарт-шароитлар яратиш ва инвестицияларни жалб қилиш;

етаكчи хорижий компаниялар ва таълим муассасаларининг энг яхши амалиёти асосида ахборот технологиялари ва коммуникациялар соҳасида стратегик ва лойиҳа бошқаруви, менежмент, маркетинг бўйича илмий тадқиқотлар ва ишланмаларни, кадрларни тайёрлаш, қайта тайёрлаш ҳамда малакасини оширишни ташкил қилиш;

киберхавфсизликни таъминлаш ва тармоқлар, дастурий маҳсулотлар, ахборот тизимлари ва ресурсларини жорий қилишни таъминлаш бўйича комплекс чораларни амалга ошириш, шахсий ва биометрик маълумотларни йиғиш, қайта ишлаш ва сақлаш бўйича технологияларни қўлланишини тартибга солишда иштирок этиш;

тақдим этилаётган телекоммуникация ва почта алоқаси хизматларининг юқори сифатини таъминлаш мақсадида ахборот технологиялари ва коммуникациялар соҳасида қўнун ҳужжатларига риоя этилишининг давлат назоратини амалга ошириш;

ахборот технологиялари ва коммуникацияларини қўллаш ва ривожлантириш масалалари бўйича, шу жумладан, техник стандартлар, регламентлар жорий этилишини ташкил қилиш, шунингдек, вазирликнинг фаолият соҳасига кирадиган бошқа йўналишлар бўйича халқаро ташкилотлар, чет эл компаниялари, илмий-тадқиқот муассасалари билан ҳамкорликни ривожлантириш.

3. Белгилаб қўйилсинки:

давлат органлари ва бошқа бюджет ташкилотлари бюджетдан ташқари жамғармалар

маблагларидан фойдаланишда янги ахборот тизимлари, дастурий маҳсулотлар, маълумотлар базаларини ишлаб чиқишга, биринчи навбатда, аҳолига кўрсатиладиган хизматларнинг сифатини ва тезкорлигини оширишга, бюрократик тартиб-таомиларга барҳам беришга, қўғоз ҳужжат айланишини камайтиришга қаратилган электрон давлат хизматларини жорий этишга устувор эътибор қаратадилар;

давлат органлари ва бошқа бюджет ташкилотларининг ахборот технологиялари ва коммуникацияларини ривожлантириш учун масъул бўлган раҳбарлари ва бўлинмалари ходимлари учун йилда бир марта мос равишда Вазирлик ва унинг ҳудудий бошқармаларида аттестациядан ўтатиладар;

ахборот технологиялари ва коммуникацияларини ривожлантириш учун масъул бўлган ижро этувчи ҳокимият республика органлари бўлинмаларининг раҳбарлари Вазирлик билан келишилган ҳолда лавозимга тайинланадилар;

ахборот технологиялари ва коммуникацияларини ривожлантириш учун масъул бўлган ижро этувчи ҳокимият ҳудудий органлари бўлинмаларининг раҳбарлари Вазирликнинг тегишли ҳудудий бошқармаси билан келишилган ҳолда лавозимга тайинланадилар.

4. Алоқа, ахборотлаштириш ва телекоммуникация технологиялари соҳасида назорат бўйича давлат инспекцияси Вазирлик ҳузуридаги Алоқа, ахборотлаштириш ва телекоммуникация технологиялари соҳасида назорат бўйича инспекция (кейинги ўринларда — Инспекция) этиб қайта ташкил этилсин.

Инспекция ахборот технологиялари ва коммуникациялар соҳасида қўнунчилик, фонограммалар, аудиовизуал асарлар, электрон ҳисоблаш машиналари учун дастурларни тарқатишда муаллифлик ҳуқуқларига риоя этилиши устидан назоратни амалга оширувчи махсус ваколатли давлат органи ҳисобланиши белгилансин.

2018 йил 1 апрелдан Инспекцияга қўнунчилик ва бошқа норматив ҳужжатлар, давлат стандартлари талаблари ҳамда алоқа; ахборотлаштириш ва телекоммуникациялар соҳасида тақдим этилаётган хизматлар сифатининг бузилиш ҳолатлари тўғрисидаги маълумотларни аниқлаш, олиш ҳуқуқи берилсин.

5. Вазирлик, Ўзбекистон Республикаси Марказий банки, Молия вазирлиги, Иқтисодиёт вазирлиги икки ой мuddатда «Ўзбекистон почтаси» АЖ почта алоқаси миллий операторига агент сифатида банк ва суғурта хизматларини кўрсатиш, шу жумладан тўловларни қабул қилиш ва ўтказиш, банк карталарига хизмат кўрсатиш, аҳолининг бўш пул маблагларини жалб қилиш, ихтиёрли ва мажбурий суғурта қилиш хизматлари ва ауторсинг шартларида бошқа хизматларни кўрсатиш ҳуқуқларини тақдим этиш масаласини ўргансин ҳамда ушбу бандни амалга ошириш бўйича тақлифларни Ўзбекистон Республикаси Вазирлар Маҳкамасига киритсин.

6. Вазирлик Инвестициялар бўйича давлат қўмитаси билан биргаликда ушбу мuddатда қуйидагилар бўйича тақлифларни Ўзбекистон Республикаси Вазирлар Маҳкамасига киритсин:

«Ўзбекистон почтаси» АЖни, шу жумладан чет эл маслаҳатчиларини жалб қилган ва илгор халқаро тажрибани ўрганган ҳолда ишлов қилиш;

почта алоқаси операторлари ва курьерларининг тармоғини ривожлантириш, хорижда халқаро почта жўнатмаларининг алмишинув пунктларини ташкил этиш.

7. Белгилаб қўйилсинки:

а) 2018 йил 1 июндан:

тадбиркорлик субъектлари товарлар, ишлар (хизматлар) экспорт қилинганлиги учун экспорт шартномаси тузмасдан ва банк комиссияси ундирилмасдан, Интернет тармоғидаги электрон савдо майдончалари орқали, Ўзбекистон Республикаси Вазирлар

Маҳкамаси томонидан белгиладиган рўйхат бўйича айрим товарлардан ташқари, товарлар, ишлар (хизматлар) экспортини амалга ошириш ҳуқуқига эга;

тадбиркорлик субъектлари томонидан электрон тижоратдан фойдаланиш орқали сотиладиган товарлар айланмаси уларнинг ҳажмидан қатъи назар, чакана савдо ҳисобланади;

б) ахборот технологиялари ва коммуникациялар соҳасида халқаро консалтинг компаниялари ва экспертларини жалб қилиш, ўз IT-инфратузилмасини ривожлантириш ва моддий-техника базасини мустаҳкамлаш, шунингдек, Вазирлик ходимларини моддий рағбатлантириш Ахборот-коммуникация технологияларини ривожлантириш жамғармаси маблаглари ҳисобидан амалга оширилади;

в) Ахборот-коммуникация технологияларини ривожлантириш жамғармаси маблаглари ҳисобидан Вазирлик ходимларининг меҳнатига ҳақ тўлаш шартлари Вазирлик ҳайъати томонидан аниқланади;

г) давлат органлари ва бошқа бюджет ташкилотларининг замонавий ахборот технологиялари ва коммуникацияларини жорий қилиш ва ривожлантиришга маъсъл бўлган ходимларига бериладиган ҳар ойлик устама миқдори ходим лавозим миқдорда 100 фоиздан кам бўлмаган миқдорда белгиланади;

д) давлат органлари ва бошқа бюджет ташкилотларининг ахборот технологиялари ва коммуникацияларини ривожлантиришга маъсъл бўлган бўлинма раҳбарлари ҳар йил якунлари бўйича Вазирлик қарори асосида ахборот тизимлари, электрон давлат хизматлари ва ахборотлаштиришни жорий этиш режалари ва дастурларининг ўз вақтида, тўлиқ ва сифатли бажарилганлиги учун, Ахборот-коммуникация технологияларини ривожлантириш жамғармаси маблаглари ва қўнун ҳужжатлари билан таққабилмаган бошқа манбалар ҳисобидан энг кам иш ҳақининг 100 бараваригача миқдорда мукофотланади.

8. Ўзбекистон Республикаси Вазирлар Маҳкамаси 2018 йил 1 августга қадар мuddатда қуйидагиларни назорат тўғрисида 2018-2020 йилларга мўлжалланган ҳудудларда ахборот технологиялари ва коммуникацияларини ривожлантириш дастурларини ва устувор лойиҳаларнинг манзилли рўйхатини ишлаб чиқсин ва тасдиқласин:

телекоммуникация инфратузилмасини янада ривожлантириш, аҳолининг сифатли мобиль алоқа, Интернет тармоғидан кенг доридра фойдаланишини таъминлаш;

соғлиқни сақлаш, аҳолини ижтимоий ҳимоя қилиш, таълим, коммунал хизмат кўрсатиш, туризм соҳасида замонавий ахборот тизимлари, дастурий маҳсулотлар ва маълумотлар базаларини жорий қилиш, шунингдек, «акли» ва «хавфсиз» шаҳарлар ҳамда ҳудудларни ташкил қилиш;

давлат-хусусий шериклик асосида инновацион лойиҳаларни амалга ошириш, шунингдек, экспортбоп дастурий маҳсулотлар ишлаб чиқаришни қўллаб-қувватлаш;

жойларда, айниқса, олис жойларда электрон давлат хизматларини тақдим этиш тизимини янада кенгайтириш.

Белгилансинки, дастурларни ва лойиҳаларининг манзилли рўйхатини молиялаштириш Фонд маблаглари ҳисобидан, тегишли ҳудуд мобиль алоқа хизматларини кўрсатадиган юридик шахслар томонидан туланадиган абонент рақамидан фойдаланганлиқ учун келиб тушадиган сумманинг 5 фоизгача бўлган миқдорда амалга оширилади.

9. Мазкур Фармоннинг 8-бандида назарда тутилган дастурларнинг амалга оширилишини тизимли мониторинг қилиш ва идораларга мувофиқлаштириш учун Қорақалпоғистон

Республикаси Вазирлар Кенгашининг раиси, вилоятлар ва Тошкент шаҳар ҳокимлари раҳбарлигида ахборот-коммуникация технологияларини ривожлантириш бўйича ҳудудий кенгашлар ташкил этилсин.

Қорақалпоғистон Республикаси Вазирлар Кенгашининг раиси, вилоятлар ва Тошкент шаҳар ҳокимлари Вазирлик билан биргаликда бир ой мuddатда:

дастурлар қабул қилингандан кейин ҳудудий кенгашлар таркибларини тасдиқласин, шунингдек, дастурлар ижросининг ҳар ойда қўриб чиқилишини таъминласин;

«Компьютерлаштириш маркази» ДУКни «Электрон ҳокимият» ахборот тизимини яратиш ва жорий этишни асосий вазифа деб белгилаган ҳолда «Ахборот-коммуникация технологияларини ривожлантириш маркази» ДУКга айлантириш юзасидан ташкилий чора-тадбирларни кўрсин.

10. Вазирлик ҳамда Олий ва ўрта махсус таълим вазирлигининг Муҳаммад ал-Хоразмий номидаги Тошкент ахборот технологиялари университетида, шу жумладан унинг филиалларида 2018/2019 ўқув йилидан бошлаб ахборот технологиялари ва коммуникациялари соҳасида кадрлар тайёрлаш бўйича ўқитишнинг кредит тизимини жорий этиш тўғрисидаги тақлиф маъқуллансин.

Муҳаммад ал-Хоразмий номидаги Тошкент ахборот технологиялари университети:

Ўзбекистон Республикаси Олий ва ўрта махсус таълим вазирлиги билан келишган ҳолда ўқув жараёнининг ахборот-коммуникация технологияларини ривожлантириш суръатлари билан узлуксиз алоқасини таъминлашнинг ҳисобга олган ҳолда мустақил равишда ўқув режалар ва дастурлар, битирувчилар учун малака талабларини ишлаб чиқиш ва тасдиқлаш;

профессор ўқитувчилар таркиби меҳнатини ўқитишнинг кредит тизими шартларида келиб чиқиб фақат таълимга хос тадбирлар асосида иш вақти ҳисобга олинишига асосланган ҳолда мустақил нормаларни амалга ошириш, шунингдек, педагогик ходимлар томонидан илмий-услубий, илмий-тадқиқот, ташкилий-услубий, маънавий-маърифий ва тарбиявий ишларнинг бажарилишини рағбатлантириш ҳуқуқи берилсин.

Вазирлик Ўзбекистон Республикаси Олий ва ўрта махсус таълим вазирлиги билан биргаликда икки ой мuddатда кредит тизими бўйича ўқитиш тартибининг белгиладиган Ҳуқуқат қарори лойиҳасини Вазирлар Маҳкамасига киритсин.

11. Ўзбекистон Республикаси Вазирлар Маҳкамаси:

бир hafta мuddатда Ўзбекистон Республикаси Президентининг Вазирлик ва Инспекция фаолиятини ташкил этиш тўғрисидаги қарорлари лойиҳаларини киритсин;

бир ой мuddатда Вазирлик ва Инспекция тўғрисидаги аниқланган ниҳомларни тасдиқласин.

12. Ўзбекистон Республикаси Президентининг 2015 йил 4 февралдаги «Ўзбекистон Республикаси Ахборот технологиялари ва коммуникацияларини ривожлантириш вазирлигини ташкил этиш тўғрисидаги ПФ-4702-сон Фармони 2-банди ўз кучини йўқотган деб ҳисоблансин.

13. Вазирлик манфаатдор вазирлик ва идоралар билан биргаликда бир ой мuddатда қўнун ҳужжатларига мазкур Фармондан келиб чиқадиган ўзгартиш ва қўшимчалар тўғрисидаги тақлифларни Ўзбекистон Республикаси Вазирлар Маҳкамасига киритсин.

14. Раҳбар Фармоннинг ижросини назорат қилиш Ўзбекистон Республикасининг Бош вазири А.Н.Арипов, Ўзбекистон Республикаси Президентини Давлат маслаҳатчисининг биринчи ўринбосари Б.М.Мавлонов ва Ўзбекистон Республикасининг Бош прокурори О.Б.Муродов зиммасига юклансин.

## АКАДЕМИК АЗИЗХОН ҚАЮМОВ

Ўзбекистон илм-фани оғир жудодликка учради. Атоқли адабиётшунос олим, филология фанлари доктори, академик Азизхон Пўлатович Қаюмов 92 ёшида вафот этди.



А.Қаюмов 1926 йили Фаргона вилояти Қўқон шаҳрида зиёли оиласида туғилди. 1949 йилда Ўрта Осиё давлат университети (ҳозирги Ўзбекистон Миллий университети)нинг филология факультетини тамомлади.

Бўлғуси олим ўз меҳнат фаолиятини 1949 йили Ўзбекистон Фанлар академиясининг Шарқшунослик институтида илмий ходим сифатида бошлади. 1954 йилда номзодлик, 1962 йилда докторлик диссертациясини ҳимоя қилди. 1995 йилда Ўзбекистон Республикаси Фанлар академиясининг ҳақиқий аъзоси этиб сайланди.

А.Қаюмов узок йиллар Ўзбекистон Фанлар академияси Тил ва адабиёт институти директори, Ўзбекистон Компартияси Марказий Комитети бўлим мудури, Маданият вазирлиги, Давлат кинематография комитети раиси, Тошкент давлат маданият институти ректори, Ўзбекистон Фанлар академияси Қўлёзмалар институти директори каби масъулиятли лавозимларда самарали хизмат қилди. 1995-2000 йилларда Ўзбекистон Республикаси Олий Мажлиси депутати сифатида фаолият олиб борди.

1998 йилдан ҳаётининг охиригича Алишер Навоий номидаги Давлат адабиёт музейининг етакчи илмий ходими вазифасида сидқидилдан меҳнат қилди.

XX аср адабиётшуносининг улғу номиянда Азизхон Қаюмов юксак интеллектуал салоҳият соҳиб, атоқли олим, заҳматқаш ва толмас тадқиқотчи сифатида Алишер Навоий ва мумтоз адабиётимизнинг бошқа вакиллари асарларини пухта ўрганиб, бу улкан адабий меросни халқимизга етказишда ҳақиқий фидойиллик ва маънавий жасорат кўрсатди.

Устоз адабиётшуносининг ўзбек адабиёти тарихини ўрганиш бўйича олиб борган илмий тадқиқотлари, ўн жиллик «Танланган асарлар» тўплами, шунингдек, «Навоийга таъзим», «Алишер Навоий», «Дилқушо такрорлар — руҳафо азшурлар», «Аҳмад Фаробий» каби қўллаб сермаъназ асарлари қатъонларнинг маънавий мулкига айланди.

Эркин истеъдод ва тафаккур эгаси бўлган академик олим ўз фаолияти мобайнида қўллаб ёшларга устозлик қилди. Унинг бевосита раҳбарлигида ўқиб фан докторлари ва фан номзодлари тайёрланди.

Азизхон Қаюмов умрининг охирига қадар юртимиз ижтимоий-маънавий ҳаётида фаол иштирок этди. У ўзининг теран ақл-заковати, бетакрор истеъдоди, меҳнатсеварлиги, бағрикенглиги ва меҳр-оқибат каби инсоний фазилатлари билан адабиёт ва санъат муҳлислари, ёшлар орасида, бутун халқимиз ўртасида катта ҳурмат-эътибор қозongan эди.

Академик А.Қаюмовнинг мамлакатимиз илм-фани, адабиёт ва санъатини ривожлантириш борасидаги хизматлари давлатимиз томонидан муносиб тақдирланди. У «Ўзбекистонда хизмат кўрсатган фан арбоби» фахрий унвони, «Эл-юрт хурмати», «Буюк хизматлари учун» орденлари билан мукофотланган эди.

Атоқли олим, меҳрибон устоз, самимий ва каттарин инсон Азизхон Қаюмовнинг эркин хотира-си қалбларимизда ҳамиша сақланиб қолади.

Ш.Мирзиёев, Н.Йўлдошев, Н.Исмоилов, А.Арипов, Б.Йўлдошев, М.Аҳмедов, Б.Назаров

## БОЛАЛАР СОҶЛОМЛАШТИРИДИ

Ўзбекистон Республикаси Соғлиқни сақлаш вазирлиги, «Соғлом авлод учун» халқаро хайрия фонди ҳамда Германиянинг «Friedensdorf International» халқаро ташкилоти ўртасидаги ҳамкорлик доирасида 13 нафар бемор бола ГФР клиникаларида даволаниб, юртимизга қайтиб келди. Ислон Каримов номидаги Тошкент халқаро аэропортида уларни ота-оналар, давлат ва жамоат ташкилотлари вакиллари кутиб олди.

2002 йилдан буён «Соғлом авлод учун» халқаро хайрия фонди ва Германиянинг «Friedensdorf International» халқаро ташкилоти ҳамкорлигида ҳаётга тadbик этилаётган ушбу лойиҳа доирасида 12 ёшгача бўлган бемор болалар соғломлаштирилиб, реабилитация қилинди. Жумладан, ўтган вақт давомида тери куйиши асорати, туғма қўлоёқ бўғимлари камчиликлари ва бошқа касалликлар билан хасталанган 338 нафар бола Германияда даволанди.

— Набирам Шоҳжаҳон бир йил олдин «Соғлом авлод учун» фонди қўмаги билан даволаниш учун Германияга кетгани, — дейди хоразмлик Зумрад Маҳмудова. — Қайноқ сув тўқилиши оқибатида танасининг кўп қисми куйиб, оёқлари ишдан чиққан эди. Бугун набирам соғ-омон, тузалиб бағримга қайтганидан кечик эҳсон бўлдим.

Ўғил-қизларни кутиб олган шифокорлар, «Соғлом авлод учун» халқаро хайри фонди мутахассислари ота-оналарга келгусида фарзандлар саломатлигини назорат қилиш ва болаларни парвартириш бўйича маслаҳат ва тавсиялар берди.

Г.САТТОРОВА,  
Ў.А мухбири.

## МИЛЛИЙ МАТБУОТ МАРКАЗИДА Тадбиркорга тўсиқ бўлиш

иш ўринлари яратилишига қарши чиқиш деганидир

Ўзбекистон Савдо-саноат палатаси томонидан Президентининг 2017 йил 19 июндаги «Бизнеспин қўнуний манфаатлари давлат томонидан муҳофаза қилиниши ва тадбиркорлик фаолиятини ривожлантириш тизимини тубдан тақомиллаштиришга доир чора-тадбирлар тўғрисида»ги фармони ижроси ҳамда ўтган йилда тадбиркорлик субъектлари ҳуқуқларини ҳимоя қилиш бўйича Палатага қилинган муражаатлар ва уларга қўрсатилган ҳуқуқий ёрдам мавзусида матбуот анжумани ўтказилди.

— Палата асосий эътиборни тадбиркорлик субъектларини, айниқса, ўз фаолиятини йўлга қўйиш даврида уларни қўллаб-қувватлашнинг ишончли муҳофазаси кафолатларини қўнунлаштириш, хусусий мулк ва тадбиркорликнинг устувор роли ҳамда дахлсизлигини таъминлаш борасида самарали тизим яратишга қаратган, — дейди Савдо-саноат палатаси раисининг биринчи ўринбосари Ислон Жасимов.

— Хусусан, бугунгача 339 қўнун ва бошқа меъёрий ҳужжатлар лойиҳалари қўриб чиқилди. 139 лойиҳа бўйича тадбиркорлик фаолиятини ривожига тўсиқлик қилувчи ёки чекловчи меъёрий-ҳуқуқий ҳужжатларга ўзгартиш ва қўшимчалар киритиш, шунингдек, уларни бекор қилиш зарурати тўғрисида тавсиялар баён этилган ҳулоса тайёрланди ҳамда қўнунчилик ва ижро этиш ҳокимияти органларига тақдим



# Фуқаролар эмас, ҳужжатлар ҳаракатланади

Давлат хизматлари агентлиги ва унинг ҳудудий бўлиналари бунини таъминлайди

Президентимизнинг Аҳолига давлат хизматлари кўрсатишнинг миллий тизимини тубдан ислоҳ қилиш тўғрисидаги Фармони асосан Адлия вазирлиги ҳузурда Давлат хизматлари агентлиги ҳамда унинг ҳудудий бўлиналари ташкил этилган эди. Ушбу тизимнинг фаолияти, мазмун-моҳияти нималардан иборат? Муҳаббат Миробод тумани Давлат хизматлари маркази раҳбари Диёр Обидов билан ана шулар ҳақида суҳбатлашди.

— Аввало давлат хизматлари нималардан иборат ва унинг қанақа афзалликлари бор, деган саволга жавоб излайлик, — дейди Диёр Обидов. — Яширишнинг ҳолати йўқ, кўз ўнгимизда бўлган воқеа — тадбиркорлик фаолиятини бошлашнинг ният қилган одам ҳар хил ҳужжатларни йиғиш учун кўплаб идораларга бош суқарди, сарсон-саргардон бўларди. Бюрократия, коррупция, қроғозлик шунчалик кучайиб, томир отиб кетган эдики, бечора тадбиркор керакли-кераксиз ҳужжатларни йиққунча кўп вақт ўтиб кетарди.

Тўғри, бундан 15 йил муқаддам туман ва шаҳарлар ҳокимликлари ҳузурида тадбиркорлик субъектларини рўйхатдан ўтказиш инспекциялари ташкил этилиб, улар «ягона дарча» тамойили асосида иш юрита бошладди. 2016 йилнинг январидан мазкур инспекциялар негизда ташкил қилинган тадбиркорлик субъектларига «ягона дарча» тамойили бўйича давлат хизматлари кўрсатиш ягона марказлари томонидан янада содалаштирилган хизмат кўрсатиш йўлга қўйилди. Жорий йилнинг 1 февралдан мазкур ягона марказларнинг Адлия вазирлиги тасаруфига ўтказилиши ва вертикал бошқарув тизимининг ишга туширилиши тадбиркорлик субъектларига кўрсатиладиган давлат хизматларини сонини 37 тагача оширди. Энди ҳар бир фуқаро бу хизматлардан фойдаланиши мумкин ва уларнинг ортиқча оворагарчиликларига чек қўйилди.

— Демак, бундан буён тадбиркорлик субъектлари, шунингдек, фуқаролар ҳам ушбу тизим хизматида фойдаланади.

— Албатта. Ўтган йилнинг 1 апрелидан бошлаб тадбиркорларни рўйхатга олиш тартибини 30 дақиқага қисқартириш имконини бердиган автоматлаштирилган тизим ишга туширилди. Хабарингиз бўлса керак, бу янгиллик «Doing Business 2018» глобал рейтингидagi «Бизнесни рўйхатдан ўтказиш» кўрсаткичи бўйича Ўзбекистоннинг давлатни 24-ўриндан 11-ўринга кўтарди. Бу ҳали ҳаммаси эмас. Давлат хизматлари агентлиги тузилмалари томонидан ҳозир қирққа яқин турдаги хизматлар

кўрсатилаётган бўлса, 2018 йил 1 апрелдан бошлаб бундай хизматлар жисмоний шахсларга ҳам кўрсатилади ва уларнинг сони яна 13 тага кўпайтирилади.

2020 йил охиригача эса бу кўрсаткич юздан ошади. Жорий этилган электрон наватб муаммосига ечим излаб келган фуқарони рўйхатга олади ва масаласини ҳал этишни тезлаштирилади. Масофадан туриб олиб бориладиган видеокузатув тизими кўрсатилаётган хизматларнинг узлуксизлиги ва сифатини қузатиб бориш имконини беради. Компьютер усулалари бўлмаган ёки интернет тармоқидан фойдаланиш имконини йўқ фуқаролар учун барча давлат хизматлари марказлари мақсус инфоюсоқлар билан таъминланади.

Узоқ ва олис жойлардаги аҳолига енгилликлар яратиш мақсадида барча зарур техникалар билан таъминланган автотранспорт воситалари орқали бевосита жойларга бериб, уларга мобил давлат хизматлари кўрсатилади.

Кўрсатиладиган барча давлат хизматлари қатъий равишда инвенризация қилинади ва Давлат хизматлари ягона реестридан рўйхатдан ўтказилади. 2018 йил 1 июндан бошлаб мазкур реестрга киритилмаган давлат хизматлари кўрсатилишига йўл қўйилмайди.

— Фуқаролар бу хизматлар орқали қандай муаммоларини ҳал қилиши мумкин?

— Фуқароларимиз кундалик ҳаётида зарур бўладиган муҳим ҳужжатларни расмийлаштиришда турли қийинчиликларга дуч келишарди. Эндиликда электр-энергия, газ, сув, канализация ва иссиқлик таъминоти ҳамда бошқа муҳандислик-коммуникация тармоқларига уланиш, яқна тартибда уй-жой қуришни амалга оширишга рухсатнома, турар-жой бўйича рўйхатга олиш (прописка), рўйхатдан чиқариш ва ҳисобга қўйиш, турли ФХД ва нотариал органлари архив маълумотномалари, патентлар, гувоҳномалар ва расмий ҳужжатлар дубликатларини олиш каби ҳужжатлар расмийлаштирилиши давлат хизматлари марказлари орқали кўрсатиладиган автоматлаштирилган тизим ёрдамида амалга оширилади.

— Бу борада дунё мамлакатлари тажрибаси ҳам ҳисобга олинган бўлса керак?

— Бир жойнинг ўзида давлат хизматлари кўрсатилиши амалиёти бир қатор хорижий давлатлар тажрибасида бор ва бугунги кунда жуда кўплаб давлатлар ана шу усулга ўтмоқда. Бу янги соҳа бўлгани учун давлат хизматларини амалиётга самарали ва тезкор жорий этиш мақсадида хорижий мамлакатлар тажрибаси ўрганилди, Адлия вазирлигининг бир гуруҳ масъул ходимлари Озарбайжон ва Грузия давлатларида жисмоний ва юридик шахсларга давлат хизматлари кўрсатиш амалиётини ўрганиш бўйича хизмат сафарлари бўлиб қайтди.

— Уларнинг бу борадаги тажрибалари янги тизимни ишга туширишда қанчалик кўл келди?

— 2012 йилдан бошлаб Озарбайжон Республикаси Президенти ҳузурдаги Фуқаролик хизматлари ва ижтимоий инновациялар бўйича давлат агентлиги ҳузурда «ASAN xidmat» маркази ташкил этилиб, бу марказ давлат идоралари томонидан кўрсатиладиган хизматларни ягона ва мажбурий шаклда баҳарлилигини таъминлайдиган уюшма ҳисобланади. Ана шу марказ фаолияти 6 йил мобайнида такомиллаштирилиб, унинг негизда муайян, яхлит бир тизим яратилди. Ҳозирга келиб мазкур марказ томонидан аҳолига 200 дан ортиқ хизматлар кўрсатишмоқда.

Узингиз тасаввур қилинг, бу бир одамга қанчалик имкониятлар яратишини! Озарбайжонда ўндан зиёд ана шундай «ASAN xidmat» маркази фаолият кўрсатади. Мобил хизматларни кўрсатиш учун 10 автобус ажратилган бўлиб, ушбу тизим орқали ҳозирга 13 миллиондан зиёд фуқарога турли хилдаги хизматлар кўрсатишган. Ўтказилган сўров натижаларига кўра, аҳолининг 98 фоизи ўзларига кўрсатилаётган бундай автоматлаштирилган хизматлардан мамнун. Грузияда эса жисмоний ва юридик шахсларга давлат хизматларини кўрсатиш муассасаси «Адлия уйи» деб аталади ва у аҳоли эҳтиёжи учун зарур бўлган 300 дан ортиқ хизматларни ўзида бirlаштириган. Агар Жанубий Корея тажрибасини таҳлил қилдикда булсак, кўчи, тузилганлик ҳақидаги гувоҳнома ва бошқа қарий 5000 турдаги маълумотлар 100 фоз онлайн тарзда тақдим қилинмоқда. Компанияларни рўйхатга олиш ва бошқа 3020 турдаги аризаларнинг 76 фоизи онлайн амалга оширилади. Фуқарони рўйхатга олиш маълумотномаси

нусахи ва бошқа 1208 турдаги ҳужжат олиш билан боғлиқ хизматларнинг 99 фоизи Интернет ёрдамида битказилмоқда.

— Мамлакатимизда кейинги пайтларда «Электрон ҳукумат» тизими ва замонавий ахборот-коммуникация технологияларини янада кенгроқ жорий этиш вазифаси муҳим аҳамият касб этаётми...

— Тўғри, бошқарув жараёнини автоматлаштириш, ҳудудлар ва бутун мамлакатда юзага келатган таҳдид ва муаммоларга ўз вақтида ҳамда муносиб таъсир кўрсатиш учун ахборот аламинишнинг самарали тизимини шакллантириш мақсадида барча даражадаги икром эҷоми мият органлари фаолиятида «Электрон ҳукумат» тизими ва замонавий ахборот-коммуникация технологияларини янада кенгроқ жорий этиш вазифаси белгиланган.

Фуқаролар ҳуқуқ ва эркинлигини таъминлашнинг таъсирчан механизминини яратишда, уларнинг икром эҷоми тизимини органлари фаолиятдан тезкор баҳраманд бўлишида «Электрон ҳукумат» тизими жуда кўл келади. Бу — аҳолининг ҳаёт сифатини яхшилайдиган, инвестиция иқлими, ишчанлик муҳитини барқарорлаштириш ва бизнесни янада ривожлантиришга имкон беради.

Айтиш кераки, давлат хизматларини кўрсатишда Ўзбекистон Республикасининг «Электрон ҳукумат тўғрисида»ги Қонуни муҳим аҳамият касб этади. Қонунга кўра, электрон давлат хизмати — ахборот-коммуникация технологиялари қўлланилган ҳолда кўрсатиладиган давлат хизмати ҳисобланади.

Қонун давлат органлари фаолиятининг самарадорлигини, тезкорлиги ва шаффофлигини таъминлайди, уларнинг масъулияти ва икром интизомини кучайтиради. Бунда тадбиркорлик субъектлари электрон ҳужжат асосида иш юритади, статистика ҳисоботини тақдим этиш, божхона расмийлаштируви, лицензиялар, рухсатномалар, сертификатлар олишда, шунингдек, давлат органларидан ахборот олиш жараёнларидан ундан фойдаланади.

Шу билан бирга, бу қонун тадбиркорлик субъектларининг электрон тижорат, Интернет жаҳон ахборот тармоғи орқали махсулотни сотиш ва харидларни амалга ошириш тизимларидан фойдаланишига кенг имконият яратади. «Электрон ҳукумат» тизими орқали коммунал хизматлар ҳисобга олинади, назорат қилинади ва улар учун ҳақ тўлашнинг автоматлаштирилган усули жорий этилади. Нақд бўлмаган электрон

тўловлар, давлат харидларини амалга ошириш, масофадан фойдаланиш тизимлари ва банк-молия соҳасидаги фаолиятнинг бошқа электрон шакллари ривожлантирилади.

— Бундай ислохотлар жойларда фаолият кўрсатаётган ваколатли органлар масъулиятини оширади, албатта...

— Бу жараён амалга оширилаётган ислохотларнинг уйғунлиги ва изчиллигини таъминлайди, давлат хизматларини сифатли баҳарлиш учун ваколатли органлар ва ташкилотларнинг жавобгарлигини оширади. Энди нафақат тадбиркорлар, балки оддий фуқаро учун ҳам бир жойда, бир зумда давлат хизматларини кўрсатишга шароит яратилади.

Яна шунинг алоҳида таъкидлашим керак, Давлат хизматлари марказлари Ўзбекистон Республикаси Президентининг туман (шаҳар)лардаги Халқ қабулхоналари ҳузурида фаолият юритади.


— Бундан буён фуқаролар эмас, ҳужжатлар ҳаракатланади, дейилаётми...

— Тўғри, давлат хизматларининг ҳар бир тури бўйича «Фуқаролар эмас, ҳужжатлар ҳаракатланади» тамойили асосида давлат хизматлари кўрсатиш механизмнинг шакллантирилиши ортиқча, кераксиз ҳужжатлар йиғишни бартараф этади, ваколатли давлат органлари ва бошқа ташкилотлар зарур ҳужжатлар ва ахборотларни бошқа тизимлардан мустақил равишда олиши содалаштирилади.

Давлат хизматлари кўрсатиш соҳасига инновацион ечимлар ва ахборот-коммуникация технологияларини жорий этиш, давлат органлари ва бошқа ташкилотларнинг маълумотлар базаларини идораларо электрон ҳамкорлик ягона тизимига интеграция қилиш бунда муҳим роль ўйнайди. Ягона интерактив давлат хизматлари порталлари давлат хизматлари кўрсатиш амалиётини кенгайтириш, мобил давлат хизматлари кўрсатишнинг мақбул, қулай ва шаффоф услубларидан фойдаланиш аҳоли учун шубҳасиз, қулайлик яратади ва энг муҳими, ҳар бир инсон учун қимматли бўлган вақтни тежаш имконини беради. Автоматлаштирилган тизим ва узайтирилган иш графикадан фойдаланиш эса, бу борада бюрократия ва коррупция юзага келишини бартараф этади.

Давлат хизматлари кўрсатиш сифати ва тезкорлигини мониторинг қилиш ва баҳорлашнинг илгор механизмларини жорий этиш, аҳоли билан қайта алоқанинг самарали тизимини, шу жумладан, тезкор алоқаларни, расмий сайтлар, ижтимоий тармоқлар ва мобил иловаларда онлайн сўровларни ташкил қилиш бу соҳадаги қамчилликларни тезлик билан бартараф этишга шароит яратади.

Нуруллоҳ ДОСТОН,  
«Ўзбекистон овози» муҳбири.



Фотурх АЛИЕВ олтиб суратлар.

## «Q'OYLIQ DEHQON BOZORI»

акциядорлик жамияти

жамиятда корпоратив бошқарув тизимини баҳолаш учун мустақил ташкилотларни танлаш бўйича ТАНЛОВ ЭЪЛОН ҚИЛАДИ

Корпоратив бошқарув кодексида белгиланган ташкилотлар танловда иштирок этиш ҳуқуқига эга.

Танловдаги таклифлар куйидаги ҳужжатларни ўз ичига олади:

— Корпоратив бошқарув тизимида ўтказилган баҳорлашнинг дастлабки қиймати билан танловда иштирок этиш учун танлов иштирокчисининг таклифи;

— давлат рўйхатидан ўтказилганлиги тўғрисидаги гувоҳномасининг, аудиторлик ташкилотлари учун берилган аудиторлик фаолияти билан шуғулланиш ҳуқуқи лицензияси ва қимматли қоғозлар бозорининг профессионал иштирокчилари учун берилган қимматли қоғозлар бозорининг профессионаллик фаолияти билан шуғулланиш ҳуқуқи лицензияларининг нусхалари;

— Ташкилот ҳақида маълумот; — аудиторнинг малака сертификати, қимматли қоғозлар бозори мутахассисининг малака сертификати, корпоратив бошқаруунинг малака сертификати ва бошқа халқаро сертификат нусхалари;

— корпоратив бошқарув тизимининг баҳорлаш усули; — жамият корпоратив бошқарув

тизими баҳорлашишда иштирок этувчи мутахассисларнинг тегишли ҳужжатлар нусхаларини тақдим этиш билан бирга улар тўғрисидаги маълумотлари.

Жамиятда корпоратив бошқарув тизими баҳорлашишининг ўтказилиш даври — 2018 йил февраль ойида.

Танловда иштирок этиш учун таклифларни бериш муддати: 2018 йил 23 февраль соат 12:00 гача.

Танловда иштирок этиш учун: Ташкент шаҳар, Бектемир тумани, Фарғона йўли кўчаси, бозор майдони манзилида жойлашган Жамиятнинг қимматли қоғозлар бўлимига таклифларни тақдим этишлари мумкин.

Масъул шахс — О.В.Ким  
 Танлов ўтказилиши бўйича тушунтиришлар ва рўйхатга олиш билан боғлиқ ҳужжатлар тўғрисидаги маълумотларни куйидаги телефон рақами орқали олишингиз мумкин:

ТЕЛ: 295-34-36

Муддатидан кейин тақдим этилган таклифлар ҳақиқий деб ҳисобланмайди ва қўриб чиқилмайди.

### РЕКЛАМА ВА ЭЪЛОНЛАР



## ЗАВОД «KRANTAS»

Производит и реализует под заказ:

- ▶ Бензовозы — 4, 8, 10, 12, 16 м³.
- ▶ Водовозы — 4, 8, 12 м³.
- ▶ Вахтовые автобусы 4x4 — 22 мест, 6x6 — 26 мест.
- ▶ Комбинированные поливочные машины — 4, 8 м³.
- ▶ Кислотовозы — 6, 8, 10 м³.
- ▶ Автогудронаторы — 6, 8 м³.
- ▶ Полуприцепы: бензовоз, самосвальный, бортовой, контейнеровоз.

ГАРАНТИЯ 1 ГОД

Адрес: Республика Узбекистан, г. Ташкент. Тел./факс: (+99871) 262-97-78, (+99871) 262-23-61. Моб.: (+99890) 188-15-33, (+99890) 187-52-05.

E-mail: cst2008@mail.ru Web-site: www.avtokran.uz, www.krantas.uz

Товары сертифицированы.

## O'ZBEKISTON OVOZI

MUASSIS:



O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir: Safar OSTONOV

TAHRIR HAY'ATI:

Hotamjon KETMONOV

Muslihidin

Farrux HAMROYEV

(Bosh muharrir birinchi o'rinbosari)

Ulug'bek VAFOYEV

MUHIDDINOV

Tat'yana KISTANOVA

(Bosh muharrir o'rinbosari)

Saidkamol XODJAYEV

Ochilboy RAMATOV

Qabulxona — 233-65-45

Xatlar va murojaatlar uchun — 233-12-56

Reklama va e'lonlar uchun — 233-47-80, 233-38-55

E-mail: info@uzbekistonovozi.uz

MANZILIMIZ:

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etiladi.

Korxonada manzili: Buyuk Turon ko'chasi, 41-uy.

Gazeta ofset usulida, A-2 formatida bosiladi.

Hajmi — 2 bosma taboq.

Gazeta seshanba, payshanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

A — 238, 14799 nusxada bosildi. Nashr ko'rsatkichi — 220.

t — Tijorat materiallari

O'zA yakuni — 02:10.

Topshirilgan vaqti — 03:50

Sotuvda kelishilgan narxda

Navbatchi: Toshtemir XUDYOYULOV Sahifalovchi-dasturchilar: Zafar BAKIROV Behzod ABDUNAZAROV

ISSN 2010-7633



Gazetaning elektron sahifasiga o'tish uchun QR-kodni telefoningiz orqali skaner qiling.

1 2 3 5 6